


32 36 31 310

S. D. N.

D. GREGORII

Diuina prouidentia Papæ XV.

CONSTITVTIO  
DE ELECTIONE  
ROMANI PONTIFICIS



R O M A E

Ex Typographia Camerae Apostolicae

M. D C X X I.

1875

1875

1875



GREGORIUS  
 EPISCOPUS  
 SERVUS SERVORUM DEI.  
 AD PERPETVAM REI MEMORIAM.



**A**ETERNI Patris Filius, Magister, & Legislator noster Christus Dominus, cuius omnis actio, nostra est instructio, licet portaret omnia verbo virtutis suae, nec esset quicquam absconditum ab oculis eius, tamen priusquam ad Apostolatus munus duodecim Apostolos eligeret, & nominaret, quod aliàs vnquam fecisse in scripturis non legimus, pernoctare voluit in oratione Dei: & antequam B. Petro ouium suarum curam committeret, tertium repetita interrogatione, trinam extare aeterni amoris eius professionem: Nos scilicet erudiens quanta diligentia, cautione, & cura in omnium Pastorum electione adniti debeamus, vt boni eligantur, & fideles; praesertim verò in Beati Petri Successoris, qui Orbis est lumen, Doctor gentium, & Pastor Pastorum. Quapropter satis etiam admonemur nihil eorum; quae ad electionis Romani Pontificis negotium cautius & melius transigendum conducunt; omitti debere: salus enim non vnus membri, sed totius corporis agitur, cum de capite consulitur. Igitur & si diuersis fel. rec. Romanorum Pontificum Praedecessorum nostrorum, & Sanctorum Patrum decretis salubriter prouisum est, vt eius electio ritè, & rectè peragatur, & in ea non caro & sanguis, aut humana sapientia, quae stultitia est apud Deum dominetur, sed Spiritus Sancti gratia omnia diriganur, & gubernentur: nihilominus, vt dies diei eructat verbum, & nox nocti indicat scientiam, experientia compertum est salubriori remedio locum non deesse. Nos igitur quos

A ij posuit

posuit Dominus, licet nullis suffragantibus meritis, regere Ecclesiam suam, ne in extremo die prætermisisti officij in re tanti momenti à nobis ratio à districto Iudice exigatur, quod multorum etiam votis, & postulationibus multum expetitum est, Sancti Spiritus aspirante gratia, faciendum decreuimus. Matura itaque cum Venerabilibus Fratribus nostris Sanctæ Romanæ Ecclesiæ Cardinalibus deliberatione habita, de eorundem Fratrum consilio pariter, & assensu, hac nostra perpetuò valitura Constitutione, statuimus, decernimus, & declaramus in posterum electionem Romani Pontificis fieri aliter non posse, quàm in Conclau, & eò clauso, ac post celebratum in eo prima die Sacrosanctum Missæ solitum Sacrificium, cui Cardinales interesse, & in eo communicare consueuerunt, ac per secreta Scedularum suffragia duarum ex tribus partibus Cardinalium, in Conclau præsentium, præterquam si omnes, & singuli Cardinales similiter in Conclau præsentem, nemine dissentiente, aliquibus ex eorundem Collegio Cardinalium committerent eligendi potestatem, vt vice omnium Ecclesiæ Catholice prouiderent de Pastore: aut nisi communiter ab omnibus, & singulis Cardinalibus, qui itidem in Conclau præsentem erunt, nemine pariter dissentiente, quasi per inspirationem, nullo præcedente de persona speciali tractatu, per verbum **ELIGO**, intelligibili voce prolaturum, aut scripto, si voce fieri non potuerit, expressum, fuerit celebrata. Numerum autem Suffragiorum duarum ex tribus partibus Cardinalium in Conclau præsentium, vt electio per viam Scrutinij, siue Scrutinij & accessus valida sit, decernimus, & declaramus ita esse censendum, vt in duabus tertijs partibus Suffragium electi non numeretur, nec quisquam siue Scrutinij, siue Scrutinij & accessus, siue commissi via procedatur, se ipsum eligere, seu suffragium sibi dare vltatenus possit: Electi tamen persona, si in Conclau sit, debeat in numerum Cardinalium computari. Rursus nemo per viam Scrutinij, seu Scrutinij & accessus habeatur pro electo, nisi publicatis omnibus suffragijs, & electi, si numerum tantum modo duarum ex tribus partibus habuisse compertum sit, etiam schedulis apertis. Ac si contingat plures in schedulis nominatos, duas tertias partes suffragiorum tulisse, in suffragiorum paritate neuter sit electus, in imparitate verò, qui numero suffragiorum superior erit, dummodo duas tertias partes, etiam in vno suffragio excedat, electus censeatur. Insuper in vno quoq; Scrutinio antequam Scheda in calicem mittatur, à quolibet Cardinale iuramentum alia, & intelligibili voce fiat his verbis. **TESTOR CHRISTVM DOMINVM, QVI ME IVDICATURVS EST, ME ELIGERE QVEM SECVNDVM DEVM IVDICIO ELIGI DEBERE, ET QVOD IDEM IN ACCESSV PRÆSTABO**. Et hoc iuramentum à nullo omittatur. Suffragiorum autem Schedulæ huiusmodi tam Scrutinij, quàm accessus, vbi fieri potuerit, impressæ omnino esse debeant, vbi non potuerit, vnus tantum manu scriptæ sint; ita videlicet, vt tam impressæ, quàm ita scriptæ, ea omnia, quæ in Schedulis huiusmodi exprimi solent, contineant, præter sola nomina, seu denominationes eligentis, & electi, & infra scripta signa, quæ omnia manu eiusdem eligentis scribantur: & nomen quidem eligentis in prima parte Schedulæ, electi vero in sequenti; & rursus electi, quantum fieri poterit charactere alterato, ita vt cognosci non possit: eaq; Schedulæ pars in qua erit eligentis nomen claudatur, ac sigillo ad hoc parato, ac secreta habito, non autem eo quo quisq; vti solet, obfignetur. Vt autem videri possit, ne qui alicui accessit, eidem in Scrutinio suffragium dederit, Schedulæ omnes duobus alijs signis in vltima parte signentur, numero nempe aliquo, & breui dicto sacre Scripturæ, vel alio huiusmodi; quæ signa in vtraq; Scheda tam Scrutinij, quàm accessus eadem sint. Postea verò pars illa Schedulæ, vbi hæc signa erunt, etiam complicitur, & obfignetur ne à Scrutatoribus videri possit, nisi postquam fuerit per Scrutinium, & accessum electio perfecta; quo casu Schedulæ accessus à Scrutatoribus ea in parte, vbi duo prædicta sunt signa, aperiantur, ijsq; inspectis, &

earum


eam sigillis, & in Schedula cum iisdem signis notate, & in Scrutinio data reperiantur: ut videlicet in hęc signa, & sigillum eadem sint cognoscatur, & inde duo suffragia ab eodem Cardinali vni data quibus fuisse appareat. At si inter Schedulas Scrutinij nulla reperietur iisdem signis notata, quibus schedula accessus signata erit, aut si quis eidem accesserit, quem in Scrutinio nominaverit, utroque casu suffragium accessus nullum sit. Subscriptio autem, seu nomen eligentis resignari non possit, nisi contingat, ut sigillum, & alia duo prædicta signa sint eadem cum signis, & sigillo alicuius alterius Cardinalis, aut alia difficultate cogente. Quod autem attinet ad nomen electi, illud eo modo à Cardinalibus scribatur, quomodo in folio impresso, ubi in Conclavi notari suffragia solent. Præterea, ut secreto cautius consularur, Schedules suffragiorum conficiantur, vna seu pluribus in mensis, in media Capella constitutis, ita à Cardinalibus remotis, & circumseptis, ut quid scribatur ab alijs videri non possit. Si quis verò ad mensam accedere, impeditus valetudine non poterit, is suffragium suum in loco suo secretè conficere debeat, & ad illud accipiendum vltimus Scrutatorum accedat. Et ut accessus secretè etiam peragatur, Scrutinio publicato, si electio per consensum duarum partium in eo non fuerit celebrata, statim antequam ad alios actus deueniatur, Cardinales Schedulam pro accessu formatam, prædictis in mensis conficere, sicut in Scrutinio teneantur. Porro vsus Scedularum, pro accessu talis erit. Qui accedere alicui ex nominatis in Scrutinio voluerit, eius nomen scribet, qui verò noluerit, ne cognosci possit eum nulli accedere, in loco nominis scribat N E M I N I. Nulli autem tam in Schedula Scrutinij, quam accessus plures nominare liceat, alioquin suffragium in quo plures fuerint nominati, nullum sit; accedere tamen vni ex nominatis à se in dicta Schedula, vel alij, dummodo aliquid aliud suffragium in eodem Scrutinio tulerit, non prohibeatur, & in numerum Cardinalium in Conclavi præsentium numeretur. Neq; in quolibet Scrutinio, nisi semel accedere liceat; neq; per accessum ab alterius nominatione, in Scrutinij Schedula facta, recedi decernimus, & declaramus. Insuper antequam Schedula, siue Scrutinij, siue accessus à Scrutatoribus aperiantur, omnes ab ijs diligentissimè palam numerentur: & si plures repertæ fuerint, quam sint Cardinales, in Conclavi præsentibus omnes cõburantur, & iterum ad suffragia statim deueniatur. Si quis autem aliquid ex supra expressis non seruauerit, aut quomodocunq; directè, vel indirectè in aliquo contrauerit, sententiam excommunicationis ipso facto incurrat. Præterea statuimus, & ordinamus, quod si aliquem infirmitas impediuerit ad Scrutinium venire, ad eum adire debeant tres Cardinales, sorte ante Scrutinium, ut infra ad hanc rem ex omnibus Cardinalibus per vltimum Diaconorum extrahi, cum capsula perforata, sed mani, & palam à Scrutatoribus clausa, cuius claus super altare remaneat, & Schedulam impressam illi deferre, ipseq; illam, sicut alij Cardinales, præsto iuramento superscripto, secretè conficere teneatur, deinde in capsulam conijciat, eaq; per eisdem Cardinales relata, & aperta, in calicem Schedula mittatur. Publicato deinde Scrutinio, si accessus agendus erit, ut etiam infirmi accedere possint, vnum ex folijs in quibus nomina Cardinalium, & suffragiorum numerus notantur, à tribus Cardinalibus prædictis sumatur, & palam recognito numero suffragiorum, quæ quisq; in Scrutinio tulerit, ad infirmum vna cum alia impressa Schedula, pro accessu parata, & cum eadem capsula ab ijs deferatur. Infirmus verò alicui accedere, vel nemini accedere debeat, omniaq; & singula seruentur, quæ de Scrutinij Schedula supra ordinata sunt, sub eadem excommunicationis latæ sententiæ poena. At si quis scribere valetudine impediatur, per alium præuo iuramento ab eo qui scribet præstando, de seruando secreto, quod sub eadem excommunicationis poena seruari mandamus, scribere liberè possit. Ad hęc Scrutatores tres, sicut & tres alij Cardinales, qui ad infirmorum suffragia deferenda proficiscuntur, ex omnibus Cardinalibus præsentibus in Conclavi, nulla ordinis seruata distinctione, sorte, immediate ante quodlibet Scrutinium per vltimum Diaconorum, extrahantur, & qui semel extrahi fue-

rine, in vas iterum conijciantur; alioquin si quis contrafecerit, sicut si Scrutatores, vel recognitores, aliquid secreti in exercendo suo officio cognouerint, & illud reuelauerint, eandem late sententiæ excommunicationem incurrant. Finito Scrutinio, & accessu, siue electio sequuta sit, siue non sit, tres alij Cardinales, forte pariter, vt supra, extrahendi, Schedulas omnes recognoscere debeant, sigillo tamen, & duobus alijs signis, si aperta non fuerint, intactis remanētibus. Quæ omnes & singulæ Schedules, siue sequuta, siue nõ sequuta electione, postmodum statim palam comburatur. Similiter ne electio protrahatur itaui-  
mus, & ordinamus, vt sub simili excommunicationis pœna, eo ipso incurrenda, Scrutinium bis singulis diebus peragatur, ita vt etiam perficiatur, mane scilicet post solitam missam, & prima quidem die tantum post Cardinalium sacram peractam communionem, & pomeridiano tempore hora opportuna, post Hymnum Veni Creator Spiritus, & orationem de Spiritu Sancto; idemq; si compromissi via eligatur, obseruari debeat: atq; ad Scrutinium cum tertium pulsata per loca solita Conclauis campanula de more fuerit, omnes, & singuli Cardinales conuenire debeant, valetudine non impediti, sub eadem excommunicationis late sententiæ pœna. Cardinales præterea omnino abstineant ab omnibus pactio-  
nibus, conuentionibus, promissionibus, intendimentis, condicis, fœderibus, alijsq; quibuscunq; obligationibus, minis, signis, contra signis suffragiorum, seu Schedules, aut alijs tam verbo, quàm scripto, aut quomodocunq; dandis, aut petendis, tam respectu inclusionis, quàm exclusionis, tam vnius personæ, quàm plurium, aut certi generis, veluti creaturarum, aut huiusmodi, seu de suffragio dando, vel non dando, quæ omnia, & singula, si de facto interuenerint, etiam iuramento adiecto, nulla, & irrita, neq; ad eorum obseruantiam quæquam teneri, aut ex transgressione notam incurrere fidei non seruata decernimus, & declaramus; & contrafacientes ex nunc excommunicationis pœna innodamus: tractatus tamen pro electione habendos vetare non intelligimus. Quod si electio huiusmodi alibi celebrata fuerit, quam in Conclauis clauso, vel aliter, quam per secreta, Schedules suffragia duarum ex tribus partibus Cardinalium, in Conclauis præsentium in Scrutinio, seu Scrutinio & accessu, electi suffragio non computato, vel per viam compromissi, ab omnibus Cardinalibus similiter in Conclauis præsentibus, nemine dissentiente initi, & ita vt nemo seipsum elegerit: vel quasi per inspirationem nullo præcedente de persona speciali tractatu, omnium pariter Cardinalium, præsentium in Conclauis, communi-  
ter, nemine inter dissidente, per verbū, ELIGO, intelligibili voce prolaturum, aut scripto, si voce non potuerit, expressum, nulla sit, & inualida eo ipso, absq; vlla declaratione; & ita electo nullum ius tribuat: quinimmo is non Apostolicus, sed Apostaticus sit, & habeatur, & tam ipse, quàm eligentes, eiusq; fautores, & complices sententiam excommunicationis, & anathema, aliaq; censuras, & pœnas inualoribus Sedis Apostolicæ à Sacris Canonibus, & Constitutionibus Apostolicis impositas, pariter ipso facto incurrant, à qua, sicut ab alia quacunq; in hac Constitutione imposita, & irrogata, seu infra imponenda, & irroganda pœna excommunicationis tā ipsi, quàm quilibet alius, siue S. R. E. Card. siue alia persona cuiuscunq; gradus, conditionis, dignitatis, & præminentia, à nullo, neq; etiam à maiorj Poenitentiario, cuiuscunq; facultatis vigore, præterquam à Rom. Pont. nisi in mortis articulo absolui possit, & tam ipse eiusq; complices, & fautores, quàm alij quicunq; etiam S. R. E. Cardinales huius Constitutionis in aliquo transgressores alijs grauissimis pœnis teneantur, futuri Pontificis canonicè intrantis arbitrio irrogandis. Pœntremo statuimus, & districte præcipiendo mandamus, vt S. R. E. Cardinales, quæcunq; secretum violare quomodolibet poterunt, omnia euitare, & cœuere omnino teneantur, cum intentio, & mens nostra sit electionis huiusmodi tā sanctū negociū, si fiat per Scrutinium, seu Scrutinium & accessum, vt præfertur, secretissime transigatur: ac proinde, iisdem omnibus, & singulis S. R. E. Card. & eorum Sacro Collegio inhihemus, ne contra hæc, vel horum aliquod statuire, disponere, vel ordinare, seu in aliquo corrigere, alterare, mutare, seu ali-

quo modo facere, tractare, moliri, vel attentare præsumant quouis prætextu, causa, vel exquisito colore sub eadem excommunicationis pœna ipso facto incurrenda. Ut autem huiusmodi nostra Constitutio inuiolabilis obseruetur, tres Cardinales, qui singulis diebus Congregationibus agendis præpositi sunt, & cum ijs S. R. E. Camerarius illam in omnibus, & per omnia obseruari procurent, & faciant. Volumus etiam, & decernimus, censurarum, & excommunicationum prædictarum, & aliarum quarumcunq; prætextu, vel causa Cardinales à Summi Pont. electione actiua, & passiuâ excludi nullo modo posse, quas quidem censuras, & excommunicationes ad effectum huiusmodi electionis tantum, illis alias in suo robore permanens, suspendimus: decernentes easdem excommunicationes, & censuras eos solum afficere qui deliquerint, non autem alios Conclau durante, qui cum ijs conuersati fuerint. Cœterum, & si opus non esse in Domino confidimus, tamen pro officij nostri debito, & rei de qua agitur grauitate, admonemus, hortamur, & in Domino obsecramus S. R. E. Cardinales, vt attentè considerent personam quam sustinent, officium, & dignitatem, quam Sacrum præterea, & quanti momenti sit opus, quod tractant, & nihil quod se non deceat, nihil à re alienum committant, sed cogitent, quam perniciosum futurum sit vniuersæ Ecclesiæ, Christi sanguine acquisitæ, si malè administratur, & proinde exuant omnes mundanas curas, & induant solum Dominum Nostrum IESUM Christum: memores nihil prodesse homini si vniuersum mundum lucretur, animæ verò suæ detrimentum patiat. Deniq; animum aduertant se in Conclau clausos editissima in specula constitutos esse, & factos spectaculum Deo, & hominibus à Domino, cuius negotium gerunt, supplicij, vel gloriæ sempiternæ retributionem citissimè laturus. Non obstant. quatenus opus sit fel. rec. Alexandri Papæ 111. præd. nostri in Concilio Lateranen. edita, quæ incipit, licet de vitanda. & aliorum Rom. Pont. præd. nostrorum, etiam in Concilijs generalibus promulgatis Constitutionibus, & ordinationibus Apostolicis, etiam in corpore Iuris clausis, quibus omnibus, & singulis quatenus pariter opus sit, eorum omnium, & singulorum tenores, perinde, ac si ad verbum exprimerentur, pro expressis, & insertis habentes, pro hac vice dumtaxat, illis alias in suo robore permanens, specialiter, & expressè derogamus, ceterisque contrarijs quibuscunq; Volumus quoq; præsentibus nostras coram omnibus in prima Congregatione post obitum Pontificis fieri solita, & deinde post Conclauis ingressum, & cum quis ad Cardinatus honorem promotus fuerit, cum alijs similibus Constitutionibus legi, & inraumentum super illius obseruatione præstari, & ita præcipimus, & mandamus. Quibus Constitutionibus, & pœnis in eis contentis, nisi in superius expressis per hanc nostram derogare non intendimus, sed eas in sui roboris firmitate relinquere. Sperantes etiam Rom. Pont. qui pro tempore canonicè eligentur, omni studio curaturos, vt quæ nostris huiusmodi, & in eis salubriter statuta sunt, inuiolabiliter, ac etiam si opus fuerit per pœnarum ipsarum, contra transgressores executionem obseruentur. Deniq; volumus easdem præsentibus in Valuis Basilicarum Sancti Ioannis Lateranen. ac Principis Apostolorum de Vibe, ac Cancellariæ Apostolicæ, nec non in Acie Campi Floræ per Cursores nostros affigi, & publicari, ac eorum exempla ibidem affixa dimitti, & deinde omnes, & singulos Cardinales tam absentes, quàm præsentibus, modernos, & qui pro tempore erunt, & alios quoscunq; quorum interest, vel interesse poterit quomodolibet in futurum afficere, & ligare, nullamq; harum ignorantiam prætereundè posse, ac si eis personaliter intimatæ forent, præmissis ceterisque contrarijs quibuscunq; non obstantibus. Nulli ergo omnino hominum liceat hanc paginam nostrorum Statutorum, Decretorum, Declarationum, Mandatorum, Innodationis, Voluntatis, Admonitionis, Hortationis, Obsecrationis, Inhibitionis, Derogationis, Præcepti, & Suspensionis infringere, vel ei ausu temerario contraire. Si quis autem hoc attentare præsumperit indignationem omnipotentis Dei, & Beatorum Petri, & Pauli Apostolorum eius, se nouerit incursurum. Dat. Romæ apud S. Petrum

Anno Incarnationis Dominicæ millesimo sexcentesimo vigesimo primo, decimo septimo Kalen. Decembris Pontificatus Nostri Anno primo.

✠ Ego Gregorius Catholicæ  
Ecclesiæ Episcopus.



- ✠ Antonius Card. Saulius Episc. Olien, promitto, voueo, & iuro.
- ✠ Franciscus Maria Cardinalis à Monte, Episcopus Portuen promitto, voueo, & iuro.
- ✠ Franciscus Cardinalis Sfortia, Episcopus Tusculanus, promitto, voueo, & iuro.
- ✠ A. Cardinalis Montaltus, Episcopus Albanen, promitto, voueo, & iuro.
- ✠ Odoardus Cardinalis Farnesius, Episcopus Sabine, promitto, voueo, & iuro.
- ✠ Octavius Cardinalis Bandinus, Episcopus Prænestinus, promitto, voueo, & iuro.
- ✠ Andreas Cardinalis Perettus, promitto, voueo, & iuro.
- ✠ B. Cardinalis Beuilacqua, promitto, voueo, & iuro.
- ✠ F. tit. S. Prædixis, presb. Card. de Sourdis promitto, voueo, & iuro.
- ✠ Ego Io. Baptista tit. SS. Marcellini, & Petri, Card. Detus, promitto, voueo, & iuro.



- ✦ Ego Dominicus S S. Apostolorum, Presb. Card. Gymnadius,  
promitto, voueo, & iuro.
- ✦ Ego Carolus tit. S. Cæsarei presb. Card. Madruuius, promitto,  
voueo, & iuro.
- ✦ Ego S. tit. S. Chryfogoni presb. Card. Burghefius, promitto,  
voueo, & iuro.
- ✦ Ego M. tit. S. Onuphrij presb. Card. Barberinus promitto,  
voueo, & iuro.
- ✦ Ego Io. Garfia tit. SS. Quatuor Coronatorum Presb. Card. Millinus,  
promitto, voueo, & iuro.
- ✦ Ego M. tit. SS. Quirici, & Iulitz presb. Card. Lantes, promitto,  
voueo, & iuro.
- ✦ Ego M. Angelus Tontus tit. S. Petri ad Vincula, presb. Cardinalis  
Nazarenus, promitto, voueo, & iuro.
- ✦ Ego F. tt. S. Augustini presb. Card. Verallus, promitto, voueo,  
& iuro.
- ✦ Ego Io. Bapt. tt. S. Ceciliz presb. Card. Lenius, promitto,  
voueo, & iuro.
- ✦
- ✦
- ✦ Ego Dominicus tit. S. Martini in Montibus, presb. Card. Riuarola,  
promitto, voueo, & iuro.
- ✦ Ego P. tit. S. Mariæ de Populo, presb. Cardinalis Philonardus,  
promitto, voueo, & iuro.
- ✦ Ego P. Paulus tt. SS. Nerei, & Achillei, presb. Card. Crescentius,  
promitto, voueo, & iuro.
- ✦
- ✦
- ✦ Ego Gaspar tit. S. Crucis in Ierusalem presb. Card. Borgia, promit-  
to, voueo, & iuro.
- ✦
- ✦ Ego Robertus tit. S. Alexij, presb. Card. Vbaldinus, promitto,  
voueo, & iuro.
- ✦ Ego Tiberius tt. S. Priscæ, presb. Card. Mutus, promitto, voueo,  
& iuro.
- ✦ Ego Gabriel tt. S. Pancratij, presb. Card. de Trejo, promitto,  
voueo, & iuro.
- ✦

- \*  
\*  
\* Ego Petrus tt. S. Thomæ in Parione, presb. Card. Camporeus,  
promitto, voueo, & iuro.
- \* Ego Mattheus tt. S. Marci, presb. Card. Priolus, promitto,  
voueo, & iuro.
- \* Ego S. presb. Cardinalis S. Sufannæ, S. R. E. Bibliothecarius,  
promitto, voueo, & iuro.
- \*  
\*  
\* Ego Guido tt. S. Ioânis ante portam Latinam, presb. Card. Bentiuolus,  
promitto, voueo, & iuro.
- \* Ego Petrus tit. S. Saluatoris in Lauro, presb. Card. Valerius,  
promitto, voueo, & iuro.
- \* Ego It. Fridericus presb. Card. de Zölleren, promitto, voueo, & iuro.
- \* Ego Cesar tt. S. Petri in Monte Aureo, presb. Card. Gherardus,  
promitto, voueo, & iuro.
- \* Ego Fr. Desiderius tt. S. Clementis, presb. Card. de Oremona,  
promitto, voueo, & iuro.
- \* Ego Stephanus tit. S. Mariæ in Via, presb. Card. Pignatellus,  
promitto, voueo, & iuro.
- \* Ego L. Card. Ludouifus, tt. S. Mariæ de Traspontina S. R. E. Cam.  
promitto, voueo, & iuro.
- \*  
\* Ego Franciscus tit. S. Matthei in Merulana, presb. Card. Sacratius,  
promitto, voueo, & iuro.
- \*  
\* Ego M. Ant. tt. S. Eusebij, presb. Card. Gozadinus, promitto, voueo,  
& iuro.
- \* Ego Alexander S. Mariæ in via lata, Diaconus Cardinalis Esten.  
promitto, voueo, & iuro.
- \*  
\*  
\*  
\*  
\*  
\*  
\*

\* Ego Franciscus S. Angeli in foro piscium, Diaconus Cardinalis Boncompagnus, promitto, voueo. & iuro.

\* Ego Hippolytus S. Mariæ Nouæ, Diaconus Card. Aldobrandinus, promitto, Voueo. & iuro.

\*

Io. Beninus.

N. Odot.

Registrata in Secretaria Breuium.

Anno à Natuitate D. N. Iesu Christi Millesimo sexcentesimo vigesimo primo, Indictione quarta, die verò vigesima sexta mensis Nouembris, Pontificatus Sanctiss. in Christo Patris, & Domini Nostri D. Gregorij diuina prouidentia Papa XV. Pontificatus sui primo. Introscriptæ litteræ Apostolica publicatæ & affixæ fuerunt ad valuas Basilicarum S. Ioannis Lateranensis, Principis Apostolorum de Urbe, ac Cancellariæ Apostolicæ, & in acie Campi Floræ, dimissis ibidem earundem litterarum originalibus appensis per aliquod temporis spatium, & exinde amotis deinde dimissis earundem litterarum copijs affixis, ut moris est, per nos Augustinum Bracherium, & Brandimartem Latinum prelibati S. D. N. Papa Cursores.  
Octavianus Spada Magister Cursorum.

